



Concello de Vigo

YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 11 de agosto de 2022**, adoptou o seguinte acordo:

5.- PROPOSTA DE APROBACIÓN DUN CONVENIO COA FEDERACIÓN PROVINCIAL DE HOSTELERÍA DE PONTEVEDRA (FEPROHOS) PARA A EXECUCIÓN DO PROGRAMA FORMATIVO E DE INSERCIÓN LABORAL “ EN MARCHA”. EXPTE. 19305/77.

Visto o informe de fiscalización de data 06/08/2022, dáse conta do informe-proposta de data 29/07/2022, asinado pola xefa de Participación cidadá e Desenvolvemento Local, o concelleiro-delegado de Emprego e o concelleiro delegado de Orzamentos e Facenda, que di o seguinte:

I. A “Federación provincial de Hostelería de Pontevedra (FEPROHOS)”, mediante escrito achegado a través do rexistro electrónico do Concello de Vigo con data 16 de xuño de 2022 (COD. SOLICITUDE: W713435-9893) achega a Memoria do proxecto “En Marcha” para levar a cabo un convenio de colaboración entre a entidade e o Concello de Vigo para a execución do devandito programa formativo e de inserción laboral. Xunto coa solicitude da entidade para iniciar a tramitación do convenio coa Concellería de Emprego asinada electronicamente, achegan, ademais a seguinte documentación:

- Acta fundacional de FEPROHOS de data 10 de xuño de 1977.
- Acta de composición da directiva actual da entidade de data 14/01/2022 xunto co certificado de cargos que ostentan a representación da entidade emitido pola Xunta de Galicia con data 01/03/2022.
- Declaración responsable asinada electronicamente de que a entidade non está incurso nas prohibicións para obter a condición de beneficiaria previstas no art. 10 da Lei de Subvencións de Galicia e no art. 13 da Lei Xeral de Subvencións; e de que a entidade non se atopa en ningunha das situacións indicadas no art. 34 da Lei Xeral de Subvencións e art. 31.6 da Lei de Subvencións de Galicia, que lle impidan a percepción do pago anticipado.
- Declaración responsable asinada electronicamente de non ter solicitado ningunha outra axuda de administracións públicas ou doutros entes públicos ou privados para o proxecto subvencionado.
- Orzamento de ingresos e gastos do proxecto “En Marcha” asinado electronicamente.
- Autorización expresa á consulta de datos asinada electronicamente.
- Certificado de titularidade da conta bancaria.

FEPROHOS, con data do 13/07/2022 e nº de documento W731229-8090, presenta nova Memoria do programa “En Marcha”, asinada electronicamente, a través do Rexistro electrónico na que modifica o periodo de execución do proxecto e ademais presenta documento de solicitude de convenio de colaboración.

II. En data 13/07/2022 o concelleiro delegado de Cultura e Emprego, asinou a orde de inicio de expediente para tramitar o presente convenio.



Copia do documento - Concello de Vigo	Data impresión: 03/07/2024 17:02	Páxina 1 de 17
SUBVENCIONS	CSV: A2A957-B7A246-2H5H41-SLAEAE-2LT4YX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

III. Examinada a documentación remitida con datas 16/06/2022 e 13/07/2022 e comprobado que non existen débedas coa AEAT, Concello de Vigo e Tesourería da Seguridade Social na data de 23/06/2022, nin coa ATRIGA no 27/06/2022, verifícase que se cumpren os requisitos para a tramitación deste convenio.

IV. Nos vixentes orzamentos do Concello de Vigo, consta a partida 2410 4800004 - CONVENIO EMPREGO CON FEDERACIÓN DE EMPRESARIOS DE HOSTELERÍA, por importe de 4.275,00 €.

V. Consta no expediente a memoria xustificativa e o texto do convenio que se propón para aprobación.

FUNDAMENTOS DE DEREITO

I. Obxecto:

O obxecto do presente expediente é a concesión dunha subvención nominativa á “Federación Provincial de Empresarios de Hostelería de Pontevedra (FEPROHOS)”, que se instrumentaliza a través dun convenio cuxo texto consta no expediente e que se propón para aprobación, no marco do plan municipal de emprego, para o desenvolvemento do programa “En Marcha” que ten entre os seus obxectivos favorecer e facilitar a inserción e reinserción laboral de todas as persoas beneficiarias acollidas a este programa (persoas con baixa cualificación, en risco de exclusión social e especialmente persoas refuxiadas da guerra en Ucraína) e dar unha resposta ao sector empresarial ante o aumento de demanda na hostalería, máis concretamente na cidade de Vigo, a través da formación. Este proxecto, polo tanto, pretende levar a cabo accións deseñadas e programadas coa finalidade de incrementar e mellorar a empregabilidade, facilitando deste xeito o acceso ao emprego a través da formación, pero ademais, co compromiso de contratación dun 70% das persoas participantes durante 3 meses e como mínimo a media xornada..

II. Procedemento de concesión directa:

No caso excepcional de concesión directa segundo o previsto no artigo 22.2.a) e c) da Lei 38/2003, de 17 de novembro, xeral de subvencións (LXS), no art. 19.4.a) da Lei 9/2007, de 13 de xuño, de subvencións de Galicia (LSG) e na Base 38.5.2 das de Execución dos Orzamentos xerais do Concello de Vigo do 2022, o acto de concesión ou o convenio terá o carácter de bases reguladoras da concesión.

Segundo resultou acreditado mediante as declaracións responsables e as certificacións achegadas ao expediente, a “Federación Provincial de Empresarios de Hostelería de Pontevedra (FEPROHOS)” non está incursoa en prohibición para ser beneficiaria das subvencións obxecto da Lei de subvencións de Galicia, áchase ao corrente das súas obrigas tributarias e fronte á AEAT, a Axencia Tributaria de Galicia e a Seguridade Social e non ten débedas pendentes con este Concello de Vigo.

O convenio entrará en vigor no momento da súa sinatura e despregará os seus efectos ata o completo desenvolvemento do evento subvencionado (2022), sendo gastos subvencionables aqueles que se realicen entre o 01 de agosto de 2022 e o 31 de agosto de 2022, sempre e



Copia do documento - Concello de Vigo	Data impresión: 03/07/2024 17:02	Páxina 2 de 17
SUBVENCIONS	CSV: A2A957-B7A246-2H5H41-SLAEAE-2LT4YX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

cando, segundo o art. 31 da LXS, respondan de maneira indubidable á natureza do proxecto subvencionado.

III. Suxeitos que asinan o convenio e capacidade xurídica con que actúa cada unha das partes:

Por unha parte, asinará o presente convenio a Alcaldía-Presidencia, ao abeiro do art. 124 da Lei 7/1985, do 2 de abril, reguladora das bases do réxime local (LRBRL), que lle atribúe a máxima representación do municipio; correspondéndolle, en caso de ser necesaria a súa substitución, ao concelleiro delegado de Cultura e Emprego.

Pola outra parte, asinará o convenio don D. César Clemente Sánchez Ballesteros Fernández, en calidade de Presidente da "Federación Provincial de Empresarios de Hostelería de Pontevedra (FEPROHOS)" co DNI 05265040H, segundo resultou acreditado no expediente.

IV. Competencia administrativa na que se fundamenta a actuación da Administración Pública:

O interese xeral, a competencia administrativa e a conveniencia na concertación do convenio, recóllense na Memoria xustificativa do convenio, documento obrigado segundo sinala o art. 50 da Lei 40/2015 e o art. 199 LALG.

O convenio reflicte que o Concello de Vigo ten dentro das súas propostas reducir a porcentaxe de persoas desempregadas, mediante un conxunto de accións de colaboración co entramado laboral, veciñal e social, entre as que figura, para acadar este obxectivo, a colaboración con asociacións, colectivos e outras entidades representativas tanto no ámbito territorial como sectorial de tal xeito que se mellore a contratación de persoas en situación de desemprego, cara a búsqueda de emprego, o autoemprego e o fomento do emprendemento.

Os programas de emprego do Concello de Vigo van dirixidos, especialmente, ás persoas con maiores dificultades de empregabilidade, o que supón tratar de facilitar a inserción de persoas con baixa cualificación ou en risco de exclusión social. Nembargantes, o Concello de Vigo ten que estar preparado para as situacións cambiantes que estamos a vivir, e no caso da guerra de Ucraína, a concellería de Emprego ten especial interese en promover a integración socio laboral das persoas refuxiadas da nosa cidade, da nosa comarca, que foxen da guerra e intentan formar parte do noso vecindario, iniciando unha nova vida. O emprego, polo tanto, é un factor determinante para a súa inclusión na nosa cidade

O fomento do emprego ten a consideración de actividade prioritaria dentro desta Administración municipal, segundo o acordado pola Xunta de Goberno Local en data 09/03/2012, en atención ao seu persoal beneficiario, e no marco de contextos económicos e sociais desfavorables. As actividades de fomento do emprego veñen desenvolvéndose nesta concellaría dende o ano 2013, mediante a sinatura de convenios de colaboración con entidades cuxa finalidade é a dinamización empresarial do sector pesqueiro, para a consolidación empresarial e o fomento das contratacións de persoas desempregadas que lles permita obter unha maior formación e experiencia no



Copia do documento - Concello de Vigo	Data impresión: 03/07/2024 17:02	Páxina 3 de 17
SUBVENCIONS	CSV: A2A957-B7A246-2H5H41-SLAEAE-2LT4YX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

desenvolvemento das súas actividades profesionais, polo que con fundamento no artigo 3.3.b) da Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sustentabilidade da Administración Local, non se considera, entre outras, como exercicio de novas competencias, a continuidade da actividade de fomento xa establecida en exercicios anteriores.

Na memoria consta xustificada a necesidade e oportunidade da subscrición do convenio, o seu impacto económico, o carácter non contractual da actividade en cuestión, e o cumprimento do previsto na lei.

V. Normativa de aplicación:

A tenor do disposto no artigo 48.7 da Lei 40/2015, do 1 de outubro, de réxime xurídico do sector público, cando o convenio instrumento unha subvención deberá cumprir co previsto na Lei 38/2003, do 17 de novembro, Xeral de Subvencións e na normativa autonómica de desenvolvemento que, no seu caso, resulte aplicable. Xa que logo, resulta de aplicación o previsto na Lei 38/2003, de 17 de novembro, Xeral de Subvencións e o Real Decreto 887/2006, de 21 de xullo, polo que se aproba o seu regulamento, nos seus preceptos básicos; a Lei 9/2007 do 13 de xuño, de Subvencións de Galicia e o seu regulamento de desenvolvemento; a lexislación básica do Estado de réxime xurídico do sector público, en materia de réxime local e de procedemento administrativo común das Administracións públicas; os preceptos non básicos da Lei 38/2003 e do Real Decreto 887/2006; as Bases de Execución dos vixentes Orzamentos do Concello de Vigo, as restantes normas de dereito administrativo e, no seu defecto, as normas de dereito privado.

VI. Contía total e crédito orzamentario:

O importe do convenio de 2.475,00€ imputaranse con cargo á partida nominativa 2410 4800004 - CONVENIO EMPREGO CON FEDERACIÓN DE EMPRESARIOS DE HOSTELERÍA corresponden ao orzamento xeral do Concello de Vigo para o ano 2022 para o cumprimento dos obxectivos recollidos no convenio de colaboración.

Esta subvención será compatible con calquera outra subvención ou axuda para a mesma finalidade procedente de calquera outra administración ou de entes públicos ou privados, nacionais, da Unión Europea ou de organismos internacionais.

A beneficiaria deberá comunicar ao Concello de Vigo a obtención doutras subvencións, axudas ingresos ou recursos que financien a actividade subvencionada. Esta comunicación deberá efectuarse no momento en que se coñeza e, en todo caso, con anterioridade a xustificación da aplicación dada ós fondos recibidos.

En calquera caso, o importe total da subvención ou subvencións non poderá superar o da actividade subvencionada; caso no que se procederá na forma prevista no artigo 34 do RD 887/2006, de 21 de xuño, polo que se aprobou o Regulamento da Lei Xeral de Subvencións.

Se o custo total da actividade subvencionada resultase ser menor que o contemplado para a concesión da subvención ou se reducisen na execución da actividade subvencionada as actuacións ou elementos previstos, procederá a redución da subvención na mesma proporción. A



Copia do documento - Concello de Vigo	Data impresión: 03/07/2024 17:02	Páxina 4 de 17
SUBVENCIONS	CSV: A2A957-B7A246-2H5H41-SLAEAE-2LT4YX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

comunicación destas circunstancias ao Concello deberá efectuarse no momento en que se coñeza e, en todo caso, con anterioridade á xustificación da aplicación dada aos fondos recibidos.

A beneficiaria non poderá subcontratar con terceiros a actividade subvencionada.

Xa que logo, con carácter previo á aprobación do presente acordo pola Xunta de Goberno Local, deberá emitir informe a Intervención Xeral do Concello sobre a existencia de crédito axeitado e suficiente, para atender ás obrigas de contido económico que derivan da concesión do mesmo.

VII. Prazo e forma de xustificación da subvención mediante tramitación electrónica:

En cumprimento da obriga imposta polo artigo 14.2.a) da Lei 39/2015, do 1 de outubro, de Procedemento Administrativo Común das Administracións Públicas (LPAC), a entidade está obrigada a relacionarse electrónicamente coas Administracións Públicas.

Xa que logo, para proceder á xustificación do cumprimento da finalidade para a que se concedeu a subvención e, no seu caso, da aplicación dos fondos recibidos, deberá achegar a conta xustificativa a través da sede electrónica do Concello de Vigo, por calquera dos mecanismos de identificación admitidos na sede electrónica, que se poden consultar no enlace <https://sede.vigo.org/expedientes/usuarios/login.jsp?lang=ga>.

A tenor do disposto no art. 81 do Regulamento da LXS establécese o emprego de medios electrónicos, informáticos e telemáticos para o procedemento de xustificación das subvencións, con indicación dos trámites que deberán ser cumprimentados por vía electrónica, informática ou telemática e os medios electrónicos e sistemas de comunicación utilizables, que deberán axustarse ás especificacións que se establezan por Orde do Ministerio de Economía e Facenda (Orde EHA/2261/2007, do 17 de xullo, pola que se regula o emprego de medios electrónicos, informáticos e telemáticos na xustificación de subvencións). A tal efecto, a entidade beneficiaria achegará a documentación xustificativa por medios electrónicos, informáticos e telemáticos (EIT), resultando esixible a aportación de facturas electrónicas e/ou copias dixitalizadas das facturas orixinais en papel.

O pagamento da subvención realizarase logo de que a beneficiaria xustifique a realización do proxecto. A xustificación da subvención realizarase pola *Federación provincial de Hostelería de Pontevedra* (FEPROHOS) mediante a presentación dunha memoria final, coa correspondente conta xustificativa que acredite o cumprimento total do obxecto e condicións do convenio. Explicitase no pacto oitavo a documentación esixida e a necesidade de asinar electronicamente a documentación indicada no convenio, antes da súa remisión a través da sede electrónica do Concello de Vigo. O prazo máximo para achegar esta xustificación finalizará **o 15 de setembro de 2022**.

VIII. Publicidade:

O presente convenio quedará sometido ás normas de transparencia que regula a Lei 19/2013, do 9 de decembro, de Transparencia, acceso á información pública e bo goberno, tendo que ser incorporado ao Portal de transparencia e deberá rexistrarse na BDNS no momento da concesión



Copia do documento - Concello de Vigo	Data impresión: 03/07/2024 17:02	Páxina 5 de 17
SUBVENCIONS	CSV: A2A957-B7A246-2H5H41-SLAEAE-2LT4YX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

do convenio, que opera como sistema nacional de publicidade das subvencións conforme establece a Lei 38/2003, de 17 de novembro, Xeral de Subvencións.

IX. Órgano competente:

O artigo 74 da Lei de Subvencións de Galicia establece que a competencia para conceder subvencións nas corporacións locais correspóndelle aos órganos que teñen atribuída esa función na lexislación de réxime local.

De conformidade cos artigos 127.1.g) da Lei 7/1985, artigos 31 LSG, artigo 34 da LXS e a resolución de delegación de competencias do Alcalde de data 19/06/2015, é competente para aprobar o convenio e o gasto como contrapartida do estipulado, a Xunta de Goberno Local a proposta do concelleiro delegado.

Con carácter previo á adopción do acordo pola Xunta de Goberno Local, remitirase o expediente á Intervención Xeral do Concello para a emisión de informe preceptivo de fiscalización consonte ao disposto nos artigos 9 LXS, 6 da LSG e 214 do TRLFL.

X. Recursos:

De conformidade cos artigos 52.2.a) da Lei 7/1985, do 2 de abril, Reguladora das Bases do Réxime Local (LRBRL) e 210.a) do Regulamento de Organización, Funcionamento e Réxime Xurídico das Entidades Locais, aprobado por RD 2568/1986, do 28 de novembro, as resolucións da Xunta de Goberno Local poñen fin á vía administrativa.

Segundo os artigos 132 e 124 da Lei 39/2015, do 1 de outubro, do Procedemento Administrativo Común das Administracións Públicas, os actos administrativos que poñen fin á vía administrativa, poden ser recorridos potestativamente en reposición ante o mesmo órgano que os ditou no prazo dun mes, ou directamente ante a xurisdición contencioso-administrativa. Se se interpón o recurso de reposición, non poderá interpoñerse o recurso contencioso-administrativo ata a resolución do primeiro ou ata a súa desestimación presunta. O prazo para a interposición do recurso contencioso-administrativo será de dous meses.

Por todo o anteriormente exposto, nos termos e condicións, previa a conformidade do Sr. Concelleiro-Delegado de Cultura e Emprego, nos termos das delegacións competenciais efectuadas en data 4/09/2020 e corrección posteriores, propónse á Xunta de Goberno Local a adopción do seguinte

ACORDO:

PRIMEIRO: Aprobar o proxecto de convenio que se xunta ao presente acordo entre o Concello de Vigo e a Federación provincial de Hostelería de Pontevedra (FEPROHOS), co CIF G36614907.

SEGUNDO: Autorizar o gasto de 4.275,00 €, como contrapartida do estipulado no presente convenio con cargo á partida nominativa 2410 4800004 - CONVENIO EMPREGO CON FEDERACIÓN DE EMPRESARIOS DE HOSTELERÍA corresponden ao orzamento xeral do Concello de Vigo para o ano 2022 e comprometer o mesmo a favor da Federación provincial de



Copia do documento - Concello de Vigo	Data impresión: 03/07/2024 17:02	Páxina 6 de 17
SUBVENCIONS	CSV: A2A957-B7A246-2H5H41-SLAEE-2LT4YX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

Hostelería de Pontevedra (FEPROHOS), co CIF G36614907, para o cumprimento dos obxectivos recollidos no convenio de colaboración.

TERCEIRO: Facultar ao Concelleiro de Cultura e Emprego, Abel Fermín Losada Álvarez, para asinar o citado convenio.

CUARTO: Rexistrar os datos estruturados do convenio aprobado, para a súa publicación na Base de Datos Nacional de Subvencións (BDNS), e publicar o mesmo no portal de transparencia do Concello de Vigo, conforme o artigo 20 da Lei 38/2003, de 17 de novembro, Xeral de Subvencións e artigo 15 da Lei de Lei 9/2007, do 13 de xuño, subvencións de Galicia.

Contra o presente acordo poderán interpoñer recurso de reposición ante o órgano que a dita no prazo dun mes ou recurso contencioso-administrativo ante os Xulgados do Contencioso-Administrativo de Vigo no prazo de dous meses, ámbolos dous prazos, contados a partir do día seguinte á recepción da notificación do acordo, de conformidade cos art. 123 e 124 da Lei 39/2015, de LPAC e 8.1 e 46.1 da Lei 29/98, RXCA. Porén, interposto o recurso de reposición non poderá interpoñer recurso contencioso-administrativo ata que sexa resolto expresamente o primeiro ou se produza a súa desestimación presunta polo transcurso do prazo máximo dun mes establecido para ditar e notificar a resolución.

ACORDO

A Xunta de Goberno local aproba a proposta contida no precedente informe.

CONVENIO DE COLABORACIÓN ENTRE O CONCELLO DE VIGO E A FEDERACIÓN PROVINCIAL DE HOSTELERÍA DE PONTEVEDRA (FEPROHOS) PARA A EXECUCIÓN DO PROGRAMA FORMATIVO E DE INSERCIÓN LABORAL "EN MARCHA".

En Vigo, na Casa do Concello de Vigo, na data da sinatura dixital

REUNIDOS

Dunha parte, D. Abel Fermín Losada Álvarez, na súa calidade de Concelleiro de Cultura e Emprego, en nome e representación do Concello de Vigo (CIF: P3605700H), con enderezo en Praza do Rei s/n de Vigo.

Doutra parte, D. César Clemente Sánchez Ballesteros Fernández, en calidade de Presidente da "Federación Provincial de Empresarios de Hostelería de Pontevedra (FEPROHOS)" (CIF: G36614907), con enderezo social na rúa García Barbón 90 – 1º D, de Vigo, en nome e representación da mesma, segundo resulta do anexo incorporado ao expte. 19305/77.

E actuando Dona Susana Gallardo Fariña, en calidade de secretaria da Administración Municipal, e dando fe do acto que se celebra.



Copia do documento - Concello de Vigo	Data impresión: 03/07/2024 17:02	Páxina 7 de 17
SUBVENCIONS	CSV: A2A957-B7A246-2H5H41-SLAEAE-2LT4YX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Actuando no exercicio dos seus respectivos cargos e tendo os comparecentes a capacidade legal necesaria para o outorgamento do presente convenio,

MANIFESTAN

I.- Conforme ao previsto pola lexislación vixente, Lei 7/1985, Reguladora das Bases de Réxime Local, Lei 5/1997 da Administración Local de Galicia, RDL 781/1986, Texto refundido en materia de Réxime Local, RD 2568/1986 de Organización, Funcionamento e Réxime Xurídico das Corporacións Locais, o Concello de Vigo recoñécelle á cidadanía os dereitos fundamentais a participar directamente na actividade da administración municipal e a autoorganizarse a través de asociacións e ser apoiada nos devanditos procesos.

O Concello de Vigo ten dentro das súas propostas reducir a porcentaxe de persoas desempregadas, mediante un conxunto de accións de colaboración co entramado laboral, veciñal e social, entre as que figura, para acadar este obxectivo, a colaboración con asociacións, colectivos e outras entidades representativas tanto no ámbito territorial como sectorial de tal xeito que se mellore a contratación de persoas en situación de desemprego, cara a búsqueda de emprego, o autoemprego e o fomento do emprendemento.

Que no marco das políticas activas de emprego, a Concellería de Cultura e Emprego asume a tarefa de impulsar o desenvolvemento dunha serie de accións de carácter dinamizador do emprego entre a cidadanía de Vigo; polo que con fundamento no artigo 3.3.b) da Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sustentabilidade da Administración Local, a competencia administrativa para tramitar o presente procedemento fundaméntase en que non se considerará como exercicio de novas competencias, a continuidade da actividade de fomento xa establecida en exercicios anteriores; como é o caso das convocatorias de subvencións e convenios que se veñen formalizando en exercicios anteriores para fomento de emprego, actividade prioritaria dentro desta Administración municipal.

II.- A Federación Provincial de Empresarios de Hostelería de Pontevedra (FEPROHOS) é unha Asociación que actualmente ten representatividade en toda a provincia de Pontevedra coa misión de ofrecer ao sector da hostelería en Pontevedra de todas as ferramentas para fomentar o seu crecemento. Entre os seus fins e actividades da entidade, atópanse a organización de cursos formativos, actos, eventos e, en xeral, todas aquelas actividades que se consideren necesarias ou convenientes en beneficio da profesionalización do sector e que contribúan a incrementar o prestixio e dignificación do mesmo. Trata tamén de axudar a crear valor e a impulsar o talento.

A "Federación Provincial de Empresarios de Hostelería de Pontevedra (FEPROHOS)" atópase inscrita no Rexistro Municipal de entidades sen ánimo de lucro do Concello de Vigo co número 766/01 no epígrafe 5.2.

III.- O sector da hostalería, despois de dous anos padecendo con gran virulencia as consecuencias da pandemia, afronta na actualidade a falta de man de obra (especialmente camareiros/as e cocifeiros/as) que pode abocar a algúns a pechar o seu negocio. A falta de persoal faise especialmente preocupante no período estival pola demanda do turismo.

IV.- Os programas de emprego do Concello de Vigo van dirixidos, especialmente, ás persoas con maiores dificultades de empregabilidade, o que supón tratar de facilitar a inserción de persoas con baixa cualificación ou en risco de exclusión social. Nembargantes, o Concello de Vigo ten que estar preparado para as situacións cambiantes que estamos a vivir, e no caso da guerra de Ucraína, a



Copia do documento - Concello de Vigo	Data impresión: 03/07/2024 17:02	Páxina 8 de 17
SUBVENCIONS	CSV: A2A957-B7A246-2H5H41-SLAEAE-2LT4YX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

concellería de Emprego ten especial interese en promover a integración socio laboral das persoas refuxiadas da nosa cidade, da nosa comarca, que foxen da guerra e intentan formar parte do noso vecindario, iniciando unha nova vida. O emprego, polo tanto, é un factor determinante para a súa inclusión na nosa cidade.

V.- O proxecto “En Marcha” que vai levar a cabo FEPROHOS ten entre os seus obxectivos favorecer e facilitar a inserción e reinserción laboral de todas as persoas beneficiarias acollidas a este programa (persoas con baixa cualificación, en risco de exclusión social e especialmente persoas refuxiadas da guerra en Ucraína) e dar unha resposta ao sector empresarial ante o aumento de demanda na hostelería, máis concretamente na cidade de Vigo, a través da formación.

O devandito proxecto, polo tanto, pretende levar a cabo accións deseñadas e programadas coa finalidade de incrementar e mellorar a empregabilidade, facilitando deste xeito o acceso ao emprego a través da formación, pero ademáis, co compromiso de contratación dun 70% das persoas participantes durante 3 meses e como mínimo a media xornada.

VI.- O Concello de Vigo, coa finalidade de afondar nesta colaboración coa Federación Provincial de Empresarios de Hostelería de Pontevedra, establece esta canle de cooperación necesaria mediante o financiamento dos gastos de formación básica presencial en barra e online de manipulador de alimentos e prevención de riscos laborais que inclúe os custos de profesorado, aluguer de sala, vestiario e materias primas.

VII.- Que no vixente Orzamento Xeral do Concello de Vigo do 2022 creouse a aplicación orzamentaria 2410 4800004 CONVENIO EMPREGO CON FEDERACIÓN DE EMPRESARIOS DE HOSTELERÍA (expdte. 19307-77), para a concesión directa segundo o previsto no artigo 22.2.c) da Lei 38/2003, de 17 de novembro, xeral de subvencións (LXS), no art. 67 do seu regulamento, no art. 19.4.c) da Lei 9/2007, de 13 de xuño, de subvencións de Galicia (LSG) e na Base 38.5.2 de Execución dos Orzamentos xerais do Concello de Vigo do 2022, unha subvención directa, con carácter excepcional, por razóns do interese público, social, económico e humanitario do desenvolvemento e cumprimento de obxectivos do proxecto “En Marcha” de formación e inserción laboral no sector da Hostelería de persoas en risco de exclusión social.

Entre os motivos que acreditan o carácter singular desta subvención, así como as razóns de interese público, social, económico e humanitario que dificultan a concorrência e convocatoria pública, débese indicar o seguinte:

- ✓ a necesidade da mellora de accións orientadas á participación, a integración laboral, a significación persoal que posibiliten o fortalecemento e a integración sociolaboral das persoas con especiais dificultades no acceso ao emprego.
- ✓ a singularidade desta entidade beneficiaria no termo municipal de Vigo na procura de promover o desenvolvemento económico e social do sector da hostelería, que é tan importante no tecido empresarial da nosa cidade.
- ✓ o interese e compromiso de organizar e executar esta acción formativa con compromiso de contratación para propiciar a inserción social e laboral das persoas con dificultades no acceso ao emprego, e moi especialmente, das persoas refuxiadas a consecuencia da guerra en Ucraína.
- ✓ a especificidade da subvención proposta e a oportunidade de cumprir co obxectivo de organizar e executar a acción formativa do proxecto “En Marcha” con compromiso de contratación dun 70% das persoas participantes durante 3 meses e como mínimo a media xornada.



Copia do documento - Concello de Vigo	Data impresión: 03/07/2024 17:02	Páxina 9 de 17
SUBVENCIONS	CSV: A2A957-B7A246-2H5H41-SLAEAE-2LT4YX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

En definitiva, a mellora da contratación de persoas en situación de desemprego (con mención especial ás persoas refuxiadas ucraínas), cara a busca de emprego, mediante a formación e o compromiso de contratación (70%).

Os intervinetes, conclúen o presente convenio ao fin de regular os termos da concesión da subvención, as condicións e compromisos aplicables, cuxo obxecto é organizar e executar a acción formativa correspondente ao programa “En Marcha” e que supón unha contía total, segundo orzamento de gastos achegado, de 4.275,00.€

VIII.- Que a Federación Provincial de Empresarios de Hostelería de Pontevedra (FEPROHOS) non incorre en ningunha das circunstancias e prohibicións recollidas no artigo 13 da Lei 38/03, de 17 de novembro, Xeral de Subvencións (LXS), para obter a condición de beneficiaria da subvención, atópase ao corrente das súas obrigas tributarias coas administracións estatal, autonómica e local, e fronte á Seguridade Social, segundo resulta das certificacións e declaracións responsables incorporadas ao expediente.

IX.- Que, en base ás precedentes consideracións e ao interese público, social, económico e humanitario, formativo e informativo que para a cidade de Vigo representan as actividades que desenvolve a Federación Provincial de Empresarios de Hostelería de Pontevedra, o Concello de Vigo e a beneficiaria conveñen a súa colaboración, e a celebración deste convenio, de conformidade cos seguintes

PACTOS

Primeiro.- A entidade Federación Provincial de Empresarios de Hostelería de Pontevedra (FEPROHOS) comprométese a colaborar coa concellería de Cultura e Emprego do Concello de Vigo, para o fomento das actividades previstas e, en concreto, a:

1.- Organizar e executar a acción formativa con compromiso de contratación que integra o proxecto “En Marcha” dende o 01 ao 10 de agosto deste ano, que fundamenta a concesión da subvención, co contido e nos termos da memoria achegada ao expediente, contando coa presenza destacada dos logotipos oficiais, cuxos modelos estarán a disposición da entidade no servizo de Desenvolvemento Local e emprego, respectando, en todo momento, a súa imaxe corporativa.

2.- Cumprir co compromiso de contratación do 70% das persoas beneficiarias do programa, durante tres mes e como mínimo a media xornada.

3.- Dispor das instalacións e equipamento indicados na Memoria do proxecto “En Marcha”, así como dos permisos e autorizacións necesarios para o desenvolvemento da actividade.

4.- Aboar as taxas, impostos, dereitos de autor e demais gastos derivados da execución das actividades previstas.

5.- Presentará ao Concello de Vigo, a través da Concellería de Cultura e Emprego, e nos prazos que establece o convenio, a memoria final xunto á correspondente memoria económica, nos termos sinalados no pacto oitavo deste convenio.

6.- Comunicarlle ao Concello de Vigo a obtención doutras axudas que, para a mesma finalidade, reciba doutras entidades públicas ou privadas.



Copia do documento - Concello de Vigo	Data impresión: 03/07/2024 17:02	Páxina 10 de 17
SUBVENCIONS	CSV: A2A957-B7A246-2H5H41-SLAEEAE-2LT4YX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

7.- Facilitar as actuacións de supervisión e control que, en calquera momento, realicen os técnicos do Concello, polo que estará obrigada a proporcionar tanta información e documentación se lle solicite ao efecto.

8.- Cumprir con todas as obrigas establecidas no art. 14.1 da Lei 38/2003, de 17 de novembro, Xeral de Subvencións.

9.- Dispor da cobertura dun seguro de responsabilidade civil xeral nas instalacións onde se leve a cabo a acción formativa, no que se inclúa a responsabilidade por danos que poida causar a entidade a terceiros.

Segundo.- O Concello de Vigo, pola súa parte, comprométese a:

1. Conceder directamente á entidade “Federación Provincial de Empresarios de Hostelería de Pontevedra (FEPROHOS)” unha subvención por importe de 4.275,00€ (catro mil douscentos setenta e cinco euros), con cargo a aplicación orzamentaria nº 2410 4800004 CONVENIO EMPREGO CON FEDERACIÓN DE EMPRESARIOS DE HOSTELERÍA do vixente orzamento municipal, co obxecto de organizar e executar a acción formativa con compromiso de contratación que integra o proxecto “En Marcha”, para propiciar a inserción social e laboral das persoas con dificultades no acceso ao emprego, e moi especialmente, das persoas refuxiadas a consecuencia da guerra en Ucraína.

2. Respetar a estrutura organizativa da “Federación Provincial de Empresarios de Hostelería de Pontevedra”.

3. Colaborar na orientación, supervisión e avaliación das actividades realizadas.

Pola súa parte, o Concello está facultado para:

1. Obter a información e documentación que considere necesaria co fin de determinar o cumprimento por parte da entidade, das actividades conveniadas, así como, a adecuación do gasto ao valor de mercado.

2. Comprobar a adecuada xustificación, segundo o disposto no pacto oitavo, a correcta execución e o cumprimento dos obxectivos marcados e da finalidade que determinou a concesión ou goce da subvención e, no seu caso, liquidar as contías correspondentes en concepto de axuda económica derivada da súa execución.

3. Esixir o reintegro das cantidades percibidas, así como, os xuros de demora, cando proceda conforme ao art. 37 da LXS.

4. Acordar a imposición de sancións pola comisión de infraccións administrativas en materia de subvencións tipificadas na normativa reguladora.

Terceiro.- En virtude do art. 19.2 LXS, esta subvención será compatible con calquera outra subvención ou axuda para a mesma finalidade, procedentes de calquera outra administración ou ente público ou privado, nacionais, da Unión Europea ou de organismos internacionais.

A entidade beneficiaria deberá comunicar ao Concello de Vigo a obtención doutras subvencións, axudas, ingresos ou recursos que financien a actividade subvencionada. Esta comunicación deberá efectuarse no momento en que se coñeza e, en todo caso, coa presentación da xustificación da subvención outorgada.



Copia do documento - Concello de Vigo	Data impresión: 03/07/2024 17:02	Páxina 11 de 17
SUBVENCIONS	CSV: A2A957-B7A246-2H5H41-SLAEAE-2LT4YX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

En calquera caso, o importe total da subvención ou subvencións recibidas non poderá superar, illadamente ou en concorrencia con outras, o da actividade subvencionada, suposto no que se procederá na forma prevista nos artigos art. 37.3 da Lei Xeral de Subvencións e 34 do RD 887/2006, de 21 de xuño, polo que se aproba o Regulamento da Lei 38/2003, de 17 de novembro, Xeral de Subvencións.

Cuarto.- Se o custe total da actividade subvencionada resultase ser menor que o contemplado para a concesión da subvención ou se reduciran na execución da actividade subvencionada as actuacións ou elementos previstos, procederá a redución da subvención na mesma proporción. A comunicación destas circunstancias ao Concello deberá efectuarse no momento en que se coñeza e, en todo caso, con anterioridade á xustificación da aplicación dada aos fondos recibidos.

Quinto.- A entidade beneficiaria non poderá subcontratar con terceiros a execución total ou parcial das actividades obxecto do convenio. Queda fóra deste concepto a contratación daqueles gastos nos que teña que incurrir para a realización por si mesma da actividade subvencionada.

Sexto.- A presente subvención está suxeita aos requisitos de publicidade recollidos no art. 18 da Lei 38/2003, de 17 de novembro, Xeral de Subvencións.

Sétimo.- A beneficiaria debe dar a adecuada publicidade á financiación municipal da actividade subvencionada. A dita difusión cumprirá os seguintes requisitos:

1. En toda información gráfica editada figurará o logotipo e anagrama oficial do Concello de Vigo, ademais das lendas que se acorden. Se no financiamento das actividades interveñen outras entidades distintas da asinante do Convenio, a prelación en orde de tamaño será proporcional a cadansúa achega económica.
2. A entidade beneficiaria someterá a conformidade da unidade de Desenvolvemento Local e Emprego do Concello de Vigo as probas dos recursos publicitarios que se vaian empregar. O material gráfico editado disporá do correspondente depósito legal e achegarase exemplar á concellería de Cultura e Emprego

Oitavo.- O pagamento da subvención realizarase logo de que o beneficiario xustifique a realización do proxecto. A xustificación da subvención realizarase pola "Federación Provincial de Empresarios de Hostelería de Pontevedra" mediante a presentación dunha memoria final, coa súa correspondente conta xustificativa que acredite o cumprimento total do obxecto e condicións do convenio. O prazo máximo para achegar esta xustificación será o **15 de setembro de 2022**.

En cumprimento da obriga imposta polo artigo 14.2.a) da Lei 39/2015, do 1 de outubro de Procedemento Administrativo Común das Administracións Públicas (LPAC), establécese o emprego do **trámite en liña** para presentar e tramitar a conta xustificativa da subvención outorgada a través da sede electrónica do Concello de Vigo, mediante o Rexistro Xeral (Tramitación por Internet). Require **identificación e sinatura electrónica**, por calquera das modalidades admitidas polo Concello de Vigo, que se poden consultar no enlace <https://sede.vigo.org/expedientes/usuarios/login.jsp?lang=gal>

A tenor do disposto no art. 81 do Regulamento da LXS establécese o emprego de medios electrónicos, informáticos e telemáticos para o procedemento de xustificación das subvencións, con indicación dos trámites que deberán ser cumprimentados por vía electrónica, informática ou telemática e os medios electrónicos e sistemas de comunicación utilizables, que deberán axustarse ás especificacións que se establezan por Orde do Ministerio de Economía e Facenda (Orde EHA/2261/2007, do 17 de xullo, pola que se regula o emprego de medios electrónicos, informáticos e telemáticos na xustificación de subvencións). A tal efecto, a entidade beneficiaria achegará a documentación xustificativa por medios



Copia do documento - Concello de Vigo	Data impresión: 03/07/2024 17:02	Páxina 12 de 17
SUBVENCIONS	CSV: A2A957-B7A246-2H5H41-SLAEAE-2LT4YX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

electrónicos, informáticos e telemáticos (EIT), resultando esixible a achega de facturas electrónicas e/ou copias das facturas orixinais en papel dixitalizadas e asinadas electronicamente.

Xa que logo, para proceder á xustificación do cumprimento da finalidade para a que se concedeu a subvención e, no seu caso, da aplicación dos fondos recibidos, deberá achegar a **conta xustificativa** (integrada pola memoria de actividades e a memoria económica dos gastos incorridos) a través da sede electrónica do Concello de Vigo, por calquera dos mecanismos de identificación e sinatura electrónica admitidos na sede electrónica, que se poden consultar no enlace <https://sede.vigo.org/expedientes/usuarios/login.jsp?lang=ga>.

Os documentos que requiran sinatura, **deberán asinarse electronicamente a través da sede electrónica**.

A conta xustificativa da subvención outorgada conterá a seguinte documentación e información:

a) Solicitud de abono da subvención asinada electronicamente.

b) Memoria descritiva das actuacións realizadas, asinada electronicamente, xustificativas do cumprimento das condicións impostas na concesión da subvención, con indicación das actividades realizadas e dos resultados obtidos, e nos que figurará, como mínimo e para cada unha delas, a seguinte información:

1. Denominación do programa, proxecto ou gasto subvencionado.
2. Datas e lugar de celebración.
3. Colectivo destinatario, número de beneficiarios e programación desenvolvida.
4. Actuacións realizadas.
5. Dous exemplares do material de información, boletíns ou libros editados e publicidade relacionada coa actividade subvencionada.
6. No seu caso, memoria de prensa e comunicación.
7. No seu caso, rexistro fotográfico e/ou audiovisual.
8. Acreditar, mediante a inserción en lugar destacado dos logotipos oficiais, a difusión pública da colaboración municipal no financiamento.

c) Unha memoria económica asinada electronicamente, na que se relacionarán, de forma numerada e correlativa, os gastos efectuados, con identificación do emisor, concepto dos gastos, CIF/NIF do emisor, nº documento xustificativo, data do documento, Base factura, no seu caso, IVE/IRPF, e importe total que se imputa á subvención. Así mesmo, riscarase cun "x" diante do documento cuxo orixinal se achega, e reflectirase a suma total dos gastos xustificados e a suma total dos documentos orixinais achegados, tendo presente que deben xustificarse gastos por importe igual ou superior ao proxecto que serviu de base para a concesión da subvención, e orixinais pola parte subvencionada, na forma prevista na Base 38.5 das Bases de Execución do Orzamento.

d) Dos documentos xustificativos relacionados achegaranse facturas **electrónicas e/ou copias dixitalizadas asinadas dixitalmente** que deben cubrir como mínimo, o importe da subvención concedida, e ordenados correlativamente segundo o número de orde asignado na relación numerada. Deberá terse en conta, con carácter xeral e, no seu caso, que:

- daráselle preferencia á presentación de facturas sobre os recibos de impostos
- en ningún caso se admitirán simples recibos e/ou tiques de caixa, notas de entrega, albaráns, resgardos bancarios...



Copia do documento - Concello de Vigo	Data impresión: 03/07/2024 17:02	Páxina 13 de 17
SUBVENCIONS	CSV: A2A957-B7A246-2H5H41-SLAEAE-2LT4YX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- no caso de facturas electrónicas, a autenticidade da orixe e a integridade do seu contido, deben estar garantida por algún dos medios previstos legalmente (firma electrónica, código de verificación...).
- de conformidade co carácter finalista das subvención, non se admitirán facturas que correspondan a conceptos non presupostados na memoria.
- as facturas deben emitirse a nome da entidade perceptora da subvención.
- cando unha entidade ou empresa emisora dunha factura estea exenta de IVE, deberá achegar acreditación fidedigna da exención expedida polo órgano ou administración competente.
- as facturas ou minutas por prestación de servizos profesionais deberán conter os mesmos elementos que os especificados para as facturas, e tratándose de persoas físicas deberá constar nas mesmas a pertinente retención do IRPF, así como a acreditación de que se practicou e liquidou ante a Axencia Estatal da Administración Tributaria dita retención.
- non se considerarán gastos subvencionables os impostos indirectos cando sexan susceptibles de recuperación ou compensación, caso no que, tratándose de facturas, computaranse os gastos acreditados deducido o IVE e o IRPF.
- xustificaranse as retencións e ingresos a conta do IRPF, así como, o abono das cotas da Seguridade Social do profesor/a contratado.

e) Unha relación detallada doutros ingresos ou subvencións que financien a actividade subvencionada con indicación do importe e a súa procedencia, acompañando as correspondentes resolucións de concesión ou, no seu caso, declaración responsable de non percepción doutras axudas para a mesma finalidade procedentes doutras administracións ou entidades públicas ou privadas, nacionais, da Unión Europea ou de Organismo Internacionais.

f) A beneficiaria deberá estar ao corrente no seu cumprimento coas obrigas tributarias e coa Seguridade Social.

g) Contratacións realizadas das persoas beneficiarias do programa:

- Persoas contratadas.
- Período de contratación.
- Xornada laboral indicando horarios de desenvolvemento das actividades.
- Contratos debidamente rexistrados no SEPE.

h) Declaración responsable asinada electronicamente do representante legal da entidade receptora, acreditativa dos seguintes extremos:

- Da veracidade da información e da autenticidade da documentación achegadas.
- Que os xustificantes acreditativos dos gastos que se presenten se aplicaron á actividade subvencionada.
- Que foron abonados aos seus expedicionarios ou, no seu caso, aos titulares do dereito que incorporan.
- Cando se xustifiquen gastos que constitúan rendementos incluídos no ámbito de aplicación do Imposto sobre a Renda das Persoas Físicas e suxeitos á retención, que foi practicada a pertinente retención, así como que a mesma foi declarada, liquidada e ingresada na Axencia Estatal da Administración Tributaria.
- Carta de pago do reintegro que proceda en supostos de remanentes non aplicados, excesos obtidos sobre o custe de actividade subvencionada e o interese de demora correspondente (artigos 19.3 e 37.3 da Lei 38/2003, de 17 de novembro, Xeral de Subvencións, e art. 17.3 e 33.3 da Lei 9/2007, de 13 xuño de subvencións de Galicia).
- No seu caso, de non dedución do IVE, cuxo importe, derivado dos gastos da axuda a xustificar é asumido pola entidade beneficiaria ao non poder deducilo.



Copia do documento - Concello de Vigo	Data impresión: 03/07/2024 17:02	Páxina 14 de 17
SUBVENCIONS	CSV: A2A957-B7A246-2H5H41-SLAEAE-2LT4YX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

i) Acreditarase a difusión pública do financiamento da Concellería de Cultura e Emprego, en cada unha das actividades para cuxa realización se concede a presente subvención, segundo memoria de actividades achegada e logotipo oficial do Concello de Vigo, respectando en todo momento as imaxes corporativas.

Noveno.- A subvención aboaráselle á entidade, mediante transferencia bancaria á conta corrente número ES37 2080 0521 4830 4001 4635 (Abanca).

Décimo .- Antes de proceder ao pago da subvención a entidade beneficiaria deberá estar ao corrente no pagamento das súas obrigas fiscais e para coa Seguridade Social, o que poderá realizar por medio dunha declaración responsable, ao abeiro do artigo 31.7 e) da Lei 9/2007 de Subvencións de Galicia.

Décimo primeiro- Serán gastos subvencionables os que de xeito indubidable respondan á natureza da actividade subvencionada e se realicen no ano 2022, de acordo co orzamento de custos do proxecto subvencionado achegado pola entidade.

Décimo segundo.- A realización da actividade subvencionada, a súa axeitada xustificación e o cumprimento da finalidade que determinou a concesión da subvención será comprobada polos servizos da Concellería de Cultura e Emprego. A xefatura do servizo de Desenvolvemento local e emprego emitirá informe ao respecto facendo constar, no seu caso, todas aquelas circunstancias que poidan resultar relevantes en orden a considerar incumprida ou defectuosamente cumprida a actividade subvencionada.

Décimo terceiro.- A entidade beneficiaria deberá facilitar toda a información que lle sexa requirida pola Concellería de Cultura e Emprego e polo servizo de Intervención Xeral Municipal, Tribunal de Contas e Consello de Contas no exercicio das súas funcións de fiscalización e control do destino das subvencións.

Décimo cuarto.- Procederá o reintegro das cantidades percibidas e a esixencia de xuros de mora desde o pagamento da subvención ata a data na que se acorde a procedencia do reintegro nos casos do artigo 37 Lei Xeral de Subvencións.

Cando o incumprimento da actividade se traduza nunha diminución significativa do proxecto subvencionado, traducible a termos económicos en función do proxecto presentado e o seu orzamento, que non implique verdadeiro incumprimento do obxectivo da subvención, procederá o reintegro da subvención na mesma proporción. En todo caso procederá o reintegro do exceso da subvención sobre o custo da actividade subvencionada.

Décimo quinto.- En canto ás infraccións e sancións en que poida incurrir a beneficiaria da subvención a que se refire este convenio e procedemento para a súa apreciación e imposición, estarase ao disposto no Título IV da Lei Xeral de Subvencións e, no seu caso, Título IV da Lei de Subvencións de Galicia e Lei 39/2015, do 1 de outubro, de Procedemento Administrativo Común das Administracións Públicas para o exercicio da potestade sancionadora.

Décimo sexto.- A entidade beneficiaria está informada de que os datos persoais facilitados nos anexos, son indispensables para a xestión da subvención e serán incorporados a un ficheiro municipal aos exclusivos efectos da instrución do procedemento para a concesión obxecto do presente convenio, a práctica da publicación, comunicacións e notificacións de obrigatorio cumprimento, o seguimento e comprobación da actividade subvencionada e demais actuacións previstas na normativa reguladora das subvencións, en orden á conclusión do proceso de subvención, polo que a súa achega é obrigatoria.



Copia do documento - Concello de Vigo	Data impresión: 03/07/2024 17:02	Páxina 15 de 17
SUBVENCIONS	CSV: A2A957-B7A246-2H5H41-SLAEAE-2LT4YX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

O Concello de Vigo ten a condición de responsable deses datos e asume todas as obrigas derivadas da Lei 3/2018, de 5 de decembro, de Protección de Datos e Garantía dos Dereitos Dixitais e do Regulamento (UE) 2016/679 – RXPD do Parlamento Europeo e do Consello sobre protección de datos de carácter persoal e das demais disposicións vixentes nesta materia.

A lexitimación do tratamento deses datos está baseada no consentimento expreso das persoas interesadas en participar no procedemento e no exercicio lexítimo das competencias legais do Concello de Vigo, conforme coa normativa de réxime local e sectorial aplicable.

O prazo de conservación dos datos facilitados será o necesario para a completa execución do procedemento, incluído o prazo de prescrición a efectos de posibles responsabilidades derivadas da actividade ou do dito tratamento.

Os datos poderán ser cedidos tamén a outras Administracións públicas cando sexa necesario para a correcta prestación do servizo ou ben en cumprimento dun mandato legal ou xudicial. Tamén poderán ser verificados e cotexados con calquera outros dos que as demais Administracións dispoñan a fin de comprobar a súa exactitude e veracidade.

As persoas interesadas poderán exercitar os dereitos de acceso, rectificación, supresión, oposición, limitación do tratamento e portabilidade, así como opoñerse á toma de decisións individuais automatizadas, incluída a elaboración de perfís, na forma prevista na normativa vixente, perante o órgano responsable do ficheiro (Concello de Vigo). Así mesmo, teñen dereito a presentar unha reclamación perante a Axencia Española de Protección de Datos (www.aepd.es).

Poderán obter mais información na web municipal ou contactando co delegado de protección de datos no enderezo: dpd.vigo@vigo.org

Décimo sétimo.- A concesión da subvención obxecto do presente convenio rexerese pola Lei 38/2003 do 17 de novembro, Xeral de Subvencións e o RD 887/2006, de 21 de xuño, polo que se aprobou o seu regulamento, nos seus preceptos básicos; a lexislación básica do estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen neste convenio; as Bases de Execución do vixente orzamento municipal e as restantes normas de dereito administrativo, e no seu defecto, as normas de dereito privado.

Décimo oitavo.- A presente subvención se rexistrará na BDNS no momento da concesión do convenio, conforme establece a Lei 38/2003 do 17 de novembro, Xeral de Subvencións e no portal de transparencia do Concello de Vigo.

Décimo noveno.- O convenio entrará en vigor no momento da súa sinatura e despregará os seus efectos ata o completo desenvolvemento do proxecto subvencionado.

E, en proba da súa conformidade, firman o presente convenio, en Vigo, na data da sinatura dixital.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime



Copia do documento - Concello de Vigo	Data impresión: 03/07/2024 17:02	Páxina 16 de 17
SUBVENCIONS	CSV: A2A957-B7A246-2H5H41-SLAEAE-2LT4YX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.
O ALCALDE,
Abel Caballero Álvarez.

